



Broj: 11-06/01-04-8497-1/26
Sarajevo, 17.03.2026. godine

SVIM OSNOVNIM ŠKOLAMA KAO JAVNIM USTANOVAMA
n/r Direktora/Direktorice/Ovlaštenog lica

PREDMET: Obavještenje, *dostavlja se*

Poštovani/Poštovana,

obavještavamo Vas da je Javni oglas za imenovanje na pozicije predsjednika i članova školskih odbora osnovnih škola kao javnih ustanova na području Kantona Sarajevo, čija konačna imenovanja vrši Vlada Kantona Sarajevo, broj: 11-06/01-04-8497/26 od 12.03.2026. godine (u daljem tekstu: Javni oglas) objavljen dana 16.03.2026. godine (ponedjeljak) u dnevnim novinama „Oslobođenje“. Javni oglas je objavljen i na zvaničnoj internet stranici Vlade Kantona Sarajevo i Ministarstva za odgoj i obrazovanje Kantona Sarajevo, a prema informacijama sa kojima raspolaže Ministarstvo, objava Javnog oglasa očekuje se u izdanju „Službenih novina Federacije Bosne i Hercegovine“ tokom tekuće sedmice.

Javni oglas je obuhvatio pozicije predsjednika i/ili članova školskih odbora pedesetsedam (57) osnovnih škola kao javnih ustanova na području Kantona Sarajevo, za koje nije bilo prijavljenih kandidata ili prijave kandidata nisu ispunjavale uslove ranijeg Javnog oglasa za izbor i imenovanje na pozicije predsjednika i članova u školskim odborima osnovnih škola kao javnih ustanova na području Kantona Sarajevo, čija konačna imenovanja vrši Vlada Kantona Sarajevo, na mandatni period od četiri godine, broj: 11-06/01-04-40872-5/25 od 14.11.2025. godine. Također, Javni oglas je obuhvatio upražnjene pozicije predsjednika i/ili članova školskih odbora šest (6) osnovnih škola kao javnih ustanova na području Kantona Sarajevo, čiji mandati ne ističu u prvoj polovini tekuće kalendarske godine i dalje.

S obzirom na pojavu većeg broja prijava kandidata koje ne ispunjavaju uslove javnih oglasa za izbor i imenovanje predsjednika i članova školskih odbora osnovnih škola kao javnih ustanova, odnosno školskog odbora srednje škole, srednjoškolskog i školskog centra kao javnih ustanova na području Kantona Sarajevo, zbog čega kandidati nisu mogli nastavljati učešće u ranijim oglasnim procedurama, kako bi se olakšalo zainteresiranim kandidatima prilikom prijave na Javni oglas poduzele su se određene radnje u okviru važećih propisa koji uređuju predmetno pitanje, shodno čemu je uređen i prilagođen prijavni obrazac kao i izjava o ispunjavanju uslova, a koji se nalaze u prilogu predmetnog Javnog oglasa.

Nadalje, u skladu sa članom 106. stav (11) Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24), članom 4.



stav (4) Pravilnika o izboru, razrješenju, nadležnostima i načinu rada školskog odbora osnovne škole, srednje škole, srednjoškolskog i školskog centra na području Kantona Sarajevo ("Službene novine Kantona Sarajevo", br. 46/24 i 3/25), tačkom V Odluke o standardima i kriterijima za imenovanje na pozicije predsjednika i članova školskog odbora osnovne škole, srednje škole, srednjoškolskog i školskog centra kao javne ustanove na području Kantona Sarajevo („Službene novine Kantona Sarajevo”, broj: 39/24) i tekstom Javnog oglasa, ustanova u kojoj se vrši imenovanje na pozicije predsjednika i članova školskog odbora u obavezi je objaviti tekst istog na internet stranici ustanove, kao i na vidnom mjestu u ustanovi, kako bi sa sadržajem Javnog oglasa bili upoznati svi zainteresirani kandidati.

Takoder, molimo i ostale ustanove, u kojima se ne vrši imenovanje na pozicije predsjednika i članova školskog odbora, da tekst Javnog oglasa postavie na oglasnu ploču i ulazna vrata ustanove, kako bi se isti učinio dostupnim potencijalnim kandidatima svih struktura koje se biraju, u skladu sa važećim propisima i uvjetima za imenovanje.

S poštovanjem,



Dostaviti:

1. Naslovu;
2. A/a.